

# CHÆTODON ARMATUS.



## CHARACTER GENERICUS.

*Dentes* setacei, flexiles, confertissimi, numero-  
sissimi.

*Membrana branchioflega* radiis sex.

*Corpus* plerumque fasciatum. *Pinna* dorsi anique  
carnosa squamosa.

## CHARACTER SPECIFICUS.

CHÆTODON ALBESCENS, corpore fasciis  
septem nigris, spinis pinnæ dorsalis sex, ter-  
tia longissima.

---

Novam et perelegantem generis Chætodontis speci-  
em dat tabula inspiciendam. Vix quatuor uncias su-  
perabat speciminis longitudo unde hæc nostra figura  
delineata est. Color huic Chætodonti est argenteo-al-  
bus, dorso sub-cæruleo. Fasciæ corporis transversæ  
nigerrimæ sunt : pinnæ caudaque pallide fusca : spina  
seu radius tertius pinnæ dorsalis anterioris cæteris mul-  
to longior. Maris Australis incola est hic piscis ; pro-  
pe novam Hollandiam captus est, indeque nuperis na-  
vigiis ad nos allatus.



*Lactaria*. Willstätter & Bergmeyer, *Ber. d. Chem. Ges.*, 1908, 41, 25; *Chem. Zentr.*

